

以待司功祓設以告徹饌更服陳羞潔罇白回源
起廣泊左拂蠶尾右遺吾山倒岷岫於波際指梁
岑於林缺移搖敞豁暝眇虛曠大皞苗裔可記任
宿伯禹山川空流濟汶所遇多感祇牢爲歡悼態
目成以留客嫵容色授以勸酒繁絲踈管紛爾自
會雅舞清唱倏然同引既醉源明以手版扣舷而
歌曰小洞庭兮牢方舟風嫋嫋兮離平流牢方舟
兮小洞庭雲微微兮連絕崕仍瀾壯兮緬以沒重
巖轉兮超以忽馮夷契兮護輕撓蛟龍行兮落增
湖泊中湖兮澹而閑並曲淑兮悵而還適予手兮
非予期將鮮袂兮襲予思尚君子兮壽厥身承明
主兮憂斯人歌闋鳥獸聞之低昂而相鳴魚鼈聞
之公洄而或躍茲官吏安次而不易彼人庶樂業
而不遷喜之哉樂之哉字澗泊日小洞庭盛集五
太守高秋夜小洞庭離讌序源明從東平太守徵
讌云爾秋夜小洞庭離讌序國子司業涇昌外尉
袁廣載酒于回源亭明日遂行及夜留讌會蕤子
若訥過歸苕相里子同律過如魏陽穀管城青陽
權衡二主簿在坐皆故人也徹饌新罇移芳舟中
有宿鼓有汶簧濟上嫣然能歌者五六人共載止